

يوه آڪاشوانی جموں محمد امین انجم تیں خبر سنو۔

PM MKB

وزیر اعظم نریندر مو دی اج 11 جے آڪاشوانی ور "من کی بات" پروگرام غے دوران ملک اور بیرون ملک رہن آلا لوکاں سنگ اپنا خیالات سانجھا کریں گا۔ ماہانہ ریڈیو پروگرام غی یاہ 127 ویں قسط وے گی۔ یوہ پروگرام آڪاشوانی اور دوردرشن غا تمام چینلاں تیں نشر وے گو۔ اس غے نال نال من کی بات پروگرام اے آئی آر نیوز ویب سائٹ تے نیوز آن نیوز تے نیوز آن نیوز تے وزیر اعظم غا دفتر اور اطلاعات و نشریات وزارت غا یوٹیوب چینلاں ور وی ماہانہ ریڈیو پروگرام غی ہندی نشریات تیں فوراً بعد علاقائی زباناں مانہے اس غو ترجمو نشر کرے گو۔

LG Sportspersons

نوجوان کھیڈ قابلیت واسطے اک حوصلہ آفرا اشارہ مانہے لیفتٹ گورنر منوج سنہا نے کل راج بھون مانہے اک نجی اسکول غا کھلاڑیاں نال گل کی۔ اس سلسلہ مانہے لیفتٹ گورنر نے قومی تے بین القوامی مقابلان مانہے طالب علمان غی نمایاں حصولیابیاں غی تعریف کی، تے ہو رہتے کرن واسطے کوشش جا ری رکھنے واسطے کھیو۔ اُنہاں نے ان طالب علمان نانہہ آتا کھیڈ مقابلان واسطے نیک خواہشات پیش کیں۔ اس موقع ور طالب علمان غے بمراہ سینئر اساتذہ ممبر وی موجود تھا، جنہاں نے لیفتٹ گورنر نانہہ اسکول غی کھیڈاں غی ترقی بارے شروعاتاں غی ترقی بارے شروعاتاں اور حصولیابیاں غی جانکاری دتی۔

CM Education

وزیر اعلیٰ عمر عبداللہ نے کھیو بے جے جموں کشمیر غو تعلیمی نظام لا زمی طور ور بدلتا وقت غے نال تیار رہنو چاہیے۔ اُنہاں نے زور پایو جے خطہ مانہے معیار تے ایجاد اعلیٰ تعلیم غا ضمن مانہے مرکزی ستون رہنا چاہیں۔ 2 روزہ الا س برائے قومی تعلیمی پالیسی جلسہ 2025 سنگ امر سنگھ کالج سری نگر مانہے خطاب کرتاں واں وزیر اعلیٰ عمر عبداللہ نے رہ غے یا د کرن غی جگہ طالب علمان نانہہ مرکز مانہے رکھے غے تعلیم دین آلی تبدیلی اُجا گر کی۔ وزیر اعلیٰ نے کھیو جے قومی تعلیمی پالیسی طالب علمان نانہہ لچکدار ڈگریاں غی اجازت دے۔ اُنہاں نے ایسی تعلیم ور زور پایو جہیڑی طالب علمان نانہہ دُنیا غی اصل لکھاراں واسطے تیار کرے۔

Satish-BCCI Prez

نوجوان خدمات تے کھیڈاں غا وزیر ستیش شرما اور بی سی سی آئی غا صدر متهون منہاں نے جموں کشمیر پہر مانہے کرکٹ بارے بنیا دی ڈھانچو بہتر بنان اور اس کھیڈ غی ترقیغا سلسلہ مانہے مفصل تبادله خیال کیو۔ وزیر موصوف نے فر کھیو جے سرکار نوجواناں غی کھیڈ با رے قابلیت غی پرورش اور زمینی سطح ور کرکٹ کھیڈ مضبوط کرن غا وعدہ غی پابند بے۔ اُنہاں نے جدید تربیتی سہولیات تے نوجواناں غی شمولیت آلا پروگرام اور روی زور پایو۔ بی سی

سی آئی غا صدر متهن منہاس نے سرکار غی شروعاتاں غی تعریف کی، تے یوٹی پہر مانہہ کرکٹ کھیڈ غی ترقی غا سلسلہ مانہہ بی سی سی آئی غی طرفون پورا تعاون غی یقین دبائی کرائی۔

Mankote Special Recognition

ضلع پونچھے غی منکوٹ بلاک وارانسی مانہہ نیتی آیوگ غی طرفون منعقد علا قائی بہترین مشق سیمینار شمال مانہہ خصوصی اعتراف حاصل کیو ہے۔ اس سلسلہ مانہہ اے ڈی ڈی سی پنکج مگو ترہ اور بی ڈی او منکوٹ اعجاز احمد نے ضلع غی نمائندگی کی۔

Accassion Day

اج 26 اکتوبر غو دن الحاق غی علامت ہے۔ یوہ موقعو جموں کشمیر واسطے اک تا ریخی موقعو ہے۔ اج غے دن 1947 مانہہ مہا راجہ بری سنگھ جہیڑا اُس ویلے جموں کشمیر شابی ریاست غا راجہ تھا، نے الحاق غا سلسلہ مانہہ دستخط کیا تھا، تے اس طرح ریاست جموں کشمیر رسمي طور ور بھارت نال جڑ گئی تھی۔ یوہ فیصلو اُس خاص وقت مانہہ لیو گیو تھو، جد بٹوارہ تین بعد ہنگامو تے جھکڑ چلے لگو تھو۔ یوہ یوٹی پہر مانہہ اُس تا ریخی وقت مانہہ عزت دین غا مقصد نال نالے قو می اتحاد اور سالمیت غا واعده غی فر تصدیق کرن واسطے منایو جائے۔

Prog Announcement

آکاشوانی جموں غا علا قائی خبران غا شعبہ غی طرفون یوم الحاق غا موضوع ور 25 منٹ غو اک خصوصی مباحثو نشر وے گو۔ یوہ پروگرام جموں کشمیر غا بھارت نال الحاق غا 78 بھaran غا جشن غا سلسلہ مانہہ نشر کیو جا رہیو ہے۔ مباحثہ غی میزبانی جگموبن شرما کریں گا۔ یوہ خصوصی پروگرام اج دوپہر 12 بجے نشر وے گواں خصوصی نشریات مانہہ مہا را مہمان ویں غاذاکٹر گنیش ملہوترا اسٹٹ پروفیسر یونیو رسٹی آف جموں جہیڑا منکو رہ موضوع ور اپنا سیانا نظریات سانجھا کریں گا۔

News Read by: Mohd Ameen Anjum

News Editor: Abhilasha Sharma

DEO: Alam Khan

Skill: Rajat Sharma